

“O'ZPARTAMPONAJ” AJ

Акциядорларининг 2020 йил « 30 » сентябрдаги

умумий йиғилиш қарори билан

«Т А С Д И Қ Л А Н Г А Н»

М.Ў.

“O'ZPARTAMPONAJ”

акциядорлик жамиятининг

“КУЗАТУВ КЕНГАШИ ТЎҒРИСИДА” ги

Н И З О М И
(ЯНГИ ТАХРИРДА)

ҚОРОВУЛБОЗОР ТУМАНИ - 2020 йил

Н И З О М И

I. Умумий қоидалар

1.1. Мазкур Низом “Ўзпартампоаж” акциядорлик жамияти Кузатув кенгашининг макomini аниқлайди ва унинг ишини, кенгаш аъзоларини сайлаш тартибини, шунингдек ҳар бир аъзонинг ҳуқуқ ва мажбуриятларини белгилайди.

1.2. Низом «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги Ўзбекистон Республикаси Қонунига ва акциядорлик жамиятининг уставига мувофиқ ишлаб чиқилган.

1.3. Жамиятнинг кузатув кенгаши жамият фаолиятига умумий раҳбарликни амалга оширади, ушбу қонун ва жамият устави билан акциядорлар умумий йиғилишининг ваколат доирасига киритилган масалаларни ҳал этиш бундан мустасно.

1.4. Жамият кузатув кенгаши ўз фаолиятини амалдаги қонун ҳужжатлари, мазкур Устав ва “Жамият кузатув кенгаши тўғрисида”ги Низомга асосан амалга оширади.

II. Акциядорлик жамияти Кузатув кенгашининг ваколоти ва уни сайлаш

2.1. Жамият кузатув кенгашининг миқдор таркиби **7 (етти)** нафар аъзодан иборат. Акциялари фонд биржасининг биржа котировкаси варағига киритилган жамият кузатув кенгаши таркибига камида бир нафар мустақил аъзо киритилиши керак, ушбу аъзо ҳар йили қайта сайланиши мумкин. Бунда давлат ва (ёки) хўжалик биланмасининг улуши устун бўлган жамиятларда номзод кўрсатиш ҳамда кузатув кенгашининг мустақил аъзоси бўйича овоз бериш давлат ва (ёки) хўжалик бирлашмасининг вакиллари томонидан амалга оширилади.

Қуйидаги шахс кузатув кенгашининг мустақил аъзоси деб эътироф этилади:

- сўнги уч йил мобайнида жамиятда ва (ёки) унинг аффилиланган шахсларидан ишламаган шахс;
- жамиятнинг акциядори ва (ёки) унинг аффилиланган шахснинг таъсисчиси (акциядори, иштирокчиси) бўлмаган шахс;
- жамиятнинг ва (ёки) унинг аффилиланган шахснинг йирик мижози ва (ёки) йирик етказиб берувчиси билан фуқаролик-ҳуқуқий муносабатларда бўлмаган шахс. Бунда қайси мижоз ва етказиб берувчи билан энг кам иш ҳақининг икки минг бараваридан кўп бўлган сумма тенг амалдаги шартнома мавжуд бўлса, ўшалар йирик мижоз ва йирик етказиб берувчи деб эътироф этилади;
- жамият ва (ёки) унинг аффилиланган шахслари билан бирор-бир келишувга эга бўлмаган шахс, бунда кузатув кенгашининг вазифалари ва функциялари бажарилишини таъминлаш билан боғлиқ бўлган ҳоллар мустасно;
- жамият бошқарув ва ички назорат органларининг ва (ёки) унинг аффилиланган шахсларнинг аъзоси бўлган шахснинг ёки сўнги уч йил ичида уларга аъзо бўлган шахснинг эри (хотин), ота-онаси (фарзандликка олувчиси), фарзанди (фарзандликка олинган боласи), туғишган ва ўғай акаси (укаси) ҳамда опаси (синглиси) бўлмаган шахс;
- давлат бошқаруви органининг ёки давлат корхонасининг ходими бўлмаган шахс.

2.2. Жамият кузатув кенгашининг ваколатлари қуйидагилардан иборат:

- жамиятни ривожлантириш стратегиясига эришиш бўйича қўрилаётган чора-тадбирлар тўғрисида жамият яқка тартибдаги ижроия органи-директорнинг ҳисоботини мунтазам равишда эшитиб борган ҳолда жамият фаолиятининг устувор йўналишларини белгилаш;
- жамият акциядорларининг йиллик ва навбатдан ташқари умумий йиғилишларини чақириш, қонунчиликда назарда тутилган ҳоллар бундан мустасно;
- акциядорлар умумий йиғилишининг қун тартибини тайёрлаш;
- акциядорларнинг умумий йиғилиши ўтказиладиган сана, вақт ва жойни белгилаш;
- акциядорларнинг умумий йиғилиши ўтказилиши ҳақида хабар қилиш учун жамият акциядорлари реестрини шакллантириш санасини белгилаш;
- жамият уставига ўзгартириш ва қўшимчалар киритиш ёки янги таҳрирдаги уставни тасдиқлаш тўғрисидаги масалаларни акциядорларнинг умумий йиғилиши ҳал қилиши учун киритиш;
- жамиятнинг “Жамият яқка тартибдаги ижроия органи - директори тугрисида”ги, “Ички аудит

тўғрисида”ги, “Корпоратив масалаҳатчи тўғрисида”ги, шу жумладан “Ички назорат тўғрисида”ги, “Дивиденд сиёсати тўғрисида”ги, “Манфаатлар карама-қаршилиги вақтида ҳаракат қилиш тартиби тўғрисида”ги низомларига ўзгартириш ва қўшимчалар киритиш ёки янги таҳрирда тасдиқлаш;

- жамиятнинг корпоратив бошқарув тизимини баҳолаш учун мустақил ташкилотни танлаш;
- мол-мулкнинг бозор қийматини белгилашни ташкил қилиш;

- қонунда ҳужжатларида назарда тутилган ҳолларда жамият томонидан жойлаштирилган акциялар, корпоратив облигациялар ва бошқа қимматли қоғозларни қайтариб сотиб олиш тўғрисида қарор қабул қилиш;

- жамиятнинг йиллик бизнес-режасини тасдиқлаш, бунда жамиятнинг келгуси йилга мулжалланган бизнес-режаси жамият кузатув кенгаши мажлисида жорий йилнинг 1 декабридан кечиктирмай маъқулланиши лозим;

- жамиятнинг йиллик ҳисоботи билан бирга жамиятнинг йиллик молия-хўжалик фаолиятини аудиторлик текшируви яқунлари бўйича ташқи аудиторнинг ҳисобот ва хулосасини эшитиш ҳамда унинг натижалари бўйича тегишли чора-тадбирлар белгилаш. Бунда жамиятнинг йиллик ҳисоботи акциядорларнинг йиллик умумий йиғилиши ўтказиладиган санадан ўн кундан кечиктирмай жамиятнинг кузатув кенгаши томонидан дастлабки тарзда тасдиқланиши лозим;

- йилнинг ҳар чораги яқунлари бўйича яқка тартибдаги ижроия органи-директори ва ички аудит хизмати ҳисоботларини эшитиш ҳамда унинг натижалари бўйича тегишли чора-тадбирлар белгилаш;

- корпоратив масалаҳатчини тайинлаш ва унинг фаолияти тартибини белгиловчи низомни тасдиқлаш;

- ички аудит хизматини ташкил этиш, унинг ходимларини тайинлаш ва ҳаражатларининг йиллик сметасини тасдиқлаш, шунингдек ҳар чоракда унинг ҳисоботларини эшитиб бориш;

- жамият яқка тартибдаги ижроия органи - директорини тасдиқлаш (сайлаш, тайинлаш, ёллаш ва хоказо), унинг ваколатини муддатидан илгари тўхтатиш масалаларини хал қилиш;

- қонун ҳужжатларида ва жамият Уставида назарда тутилган ҳолларда яқка тартибдаги ижроия органи - директорини ваколатини муддатидан илгари тўхтатиш ва яқка тартибдаги ижроия органи - директор вазифасини вақтинча бажарувчини тайинлаш;

- жамият яқка тартибдаги ижроия органи - директорнинг фаолиятига дахлдор ҳар қандай ҳужжатлардан эркин фойдаланиш ва жамият кузатув кенгаши зиммасига юклатилган вазифаларни бажариш учун бу ҳужжатларни яқка тартибдаги ижроия органи - директордан олиш. Жамият кузатув кенгаши ва унинг аъзолари олинган ҳужжатлардан фақат хизмат мақсадларида фойдаланиши мумкин;

- яқка тартибдаги ижроия органи - директорга тўланадиган ҳақ ва компенсациялар миқдорини белгилаш, шунингдек, курсатилган туловларнинг чегараси миқдорини Ўзбекистон Республикаси Вазирлар Маҳкамасининг 28.07.2015 йилдаги 207 - сонли қарори билан тасдиқланган “Давлат улуши бўлган акциядорлик жамиятлари ва бошқа хўжалик юритувчи субъектлар фаолияти самарадорлигини баҳолаш мезонларини жорий этиш тўғрисида”ги қарори билан белгиланган самарадорликнинг муҳим курсаткичларига боғлаган ҳолда белгилаш;

- жамият тафтиш комиссияси аъзоларига (тафтишчисига) тўланадиган ҳақ ва компенсация миқдори юзасидан тавсиялар бериш;

- акциялар бўйича дивидендлар миқдори ва уларни тўлаш тартиби юзасидан тавсиялар бериш;

- жамиятнинг захира ва бошқа фондларидан фойдаланиш;

- жамиятнинг ваколатхоналарини очиш ҳамда филиалларини ташкил этиш;

- жамиятнинг шуъба ва тобе корхоналарини ташкил этиш;

- «Акциядорлик жамиятлари ва акциядорларнинг ҳуқуқини ҳимоя қилиш тўғрисидаги» қонуннинг 8 ва 9-бобларида назарда тутилган ҳолларда битимлар тузиш ҳақида қарор қабул қилиш;

- жамиятнинг тижорат ва нотижорат ташкилотлардаги иштироки билан боғлиқ битимларни қонун ҳужжатларида белгиланган тартибда тузиш;

- жамиятнинг устав фондиди (устав капиталини) кўпайтириш масалаларини, шунингдек жамият уставига жамиятнинг устав фондиди (устав капиталини) кўпайтириш ҳамда жамиятнинг эълон қилинган акциялари сонини камайитириш билан боғлиқ ўзгартириш ва қўшимчалар киритиш тўғрисидаги масалаларни хал қилиш;

- фақат акциядорларнинг умумий йиғилиши ва қонунчилик билан белгиланган миқдорда хайр

саховат, эхсон (благотворительность) ва бошка текинга, пулсиз (безвозмездно) амалга ошириладиган ёрдамлар бўйича қарор қабул қилиш ва ушбу ёрдамларни кўрсатиш (қабул қилиб олиш) тартибини белгилаш;

- тегишли масалалар бўйича кузатув кенгаши қошида комитетлар (ишчи гуруҳлар) тузиш;
- кимматли коғозлар чиқарилиши тўғрисидаги қарор ва эмиссия рисоласини тасдиқлаш;
- кимматли коғозлар чиқарилиши тўғрисидаги қарор ва эмиссия рисоласига ўзгартиришлар ва (ёки) қўшимчалар киритиш ҳамда ушбу ўзгартириш ва қўшимчалар билан боғлиқ бўлган ўзгартириш ва (ёки) қўшимчалар матнини тасдиқлаш;
- қонунчиликда белгиланган ҳолларда акцияларни жойлаштириш (кимматли коғозларнинг биржа бозорига ва уюшган биржадан ташқари бозорига чиқариш) нархини белгилаш;
- жамият томонидан корпоратив облигациялар, шу жумладан акцияларга айирбошланадиган облигациялар чиқариш тўғрисида қарор қабул қилиш;
- кимматли коғозларнинг ҳосилаларини чиқариш тўғрисида қарор қабул қилиш;
- хомийлик (хайрия) ёки беғараз ёрдам курсатиш (олиш) тўғрисида қарорларни фақат акциядорларнинг умумий йиғилиши томонидан белгиланган тартиб ва шартлар асосида, шунингдек, қонун ҳужжатларида белгиланган доирада, бу ҳақда барча акциядорлар учун маълумотларни ошкор этган тарзда қабул қилиш;
- кузатув кенгаши қошида кузатув кенгаши, яқка тартибдаги ижроия органи - директори, Жамият ходимлари ва жалб этилган экспертлар (тегишли соҳа мутахассислари, соҳа олий таълим муассасалари ўқитувчилари ва бошқалар)дан иборат тегишли масалалар, шу жумладан, низоли вазиятларни аниқлаш ва ҳал этиш ва бошка масалалар бўйича қўмиталар (ишчи гуруҳлари) ташкил этиш;
- қонунчилик ҳужжатларида назарда тутилган ҳолларда, жамиятнинг жойлаштирилган акциялари, корпоратив облигацияларни қайтариб сотиб олиш тўғрисида қарор қабул қилиш;
- жамият Устави, корпоратив бошқарув кодекси ва қонунчиликка мувофиқ кузатув кенгаши ваколатларига киритилган бошқа масалаларни ҳам ҳал этиш.

Жамият кузатув кенгашининг ваколатларига киритилган масалаларни ҳал қилиш, жамият яқка тартибдаги ижроия органи - директорига ўтказилиши мумкин эмас.

Жамият номидан яқка тартибдаги ижроия органи - директори билан тузиладиган шартнома Кузатув кенгаши раиси томонидан имзоланади.

2.3. Жамият кузатув кенгашининг аъзолари жамият уставига ва ушбу низомда назарда тутилган тартибда акциядорларнинг умумий йиғилиши томонидан бир йил муддатга сайланади.

Жамиятнинг кузатув кенгаши таркибига сайланган шахслар чекланмаган тарзда қайта сайланиши мумкин.

Жамият яқка тартибдаги ижроия органи - директори жамиятнинг кузатув кенгашига сайланиши мумкин эмас.

Айни шу жамиятда меҳнат шартномаси (контракт) бўйича ишлаётган шахслар жамиятнинг кузатув кенгаши аъзоси бўлиши мумкин эмас.

Жамиятнинг кузатув кенгаши таркибига сайланадиган шахслар олий маълумотга ва 3 йил иш стажига эга бўлиши керак, қўшимча талаблар жамият уставига ёки акциядорларнинг умумий йиғилиши томонидан тасдиқланган қарорда белгилаб қўйилиши мумкин.

Акциядорларнинг сони беш юздан ортиқ бўлган жамият учун жамият кузатув кенгашининг сон таркиби етти аъздан кам бўлиши, акциядорлари сони бир мингдан ортиқ бўлган жамият учун эса тўққиз аъздан кам бўлиши мумкин эмас.

Жамиятнинг кузатув кенгаши аъзолари сайлови кумулятив овоз бериш орқали амалга оширилади.

Кумулятив овоз беришда ҳар бир акциядорга тегишли овозлар сони жамиятнинг кузатув кенгашига сайланиши лозим бўлган шахслар сонига қўпайтирилади ва акциядор шу тариқа олинган овозларни битта номзодга тўлиқ беришга ёки икки ва ундан ортиқ номзодлар ўртасида тақсимлашга ҳақли.

Энг кўп овоз тўплаган номзодлар жамият кузатув кенгашининг таркибига сайланган деб ҳисобланади.

Энг муқҳим масалаларни кўриб чиқиш ва жамиятнинг кузатув кенгашига тавсиялар тайёрлаш учун кузатув кенгаши аъзолари орасидан қўмиталар ташкил этилиши мумкин.

Акциялари фонд биржасининг биржа котировкаси варағига киритилган жамият фақат мазкур жамият кузатув кенгашининг аъзоларидан таркиб топган аудит қўмитасини ташкил этиши шарт. Жамиятнинг ички аудит хизмати, агар бундай хизмат мавжуд бўлса, ўз фаолиятида аудит қўмитасига ҳисобдордир.

Қўмиталарни шакллантириш ва уларнинг ишлаш тартиби, сони ва таркиби жамиятнинг кузатув кенгаши тўғрисидаги низомда белгиланади.

III. Акциядорлик жамияти Кузатув кенгаши раисини сайлаш

3.1. Жамият кузатув кенгашининг раиси, агар жамият уставида ўзгача қоида назарда тутилмаган бўлса, кузатув кенгаши аъзоларининг умумий сонига нисбатан кўпчилик овоз билан, ушбу кенгаш таркибидан кузатув кенгаши аъзолари томонидан сайланади.

3.2. Жамиятнинг кузатув кенгаши, агар жамият уставида ўзгача қоида назарда тутилмаган бўлса, ўз раисини кузатув кенгаши аъзоларининг умумий сонига нисбатан кўпчилик овоз билан қайта сайлашга ҳақли.

3.3. Жамият кузатув кенгашининг раиси унинг ишини ташкил этади, кузатув кенгаши мажлисларини чақиради ва уларда раислик қилади, мажлисларда баённома юритилишини ташкил этади, агар жамият уставида ўзгача қоида назарда тутилмаган бўлса, акциядорларнинг умумий йиғилишида раислик қилади.

3.4. Жамият кузатув кенгашининг раиси бўлмаган тақдирда унинг вазифасини кузатув кенгашининг аъзоларидан бири амалга оширади.

IV. Акциядорлик жамияти Кузатув кенгаши мажлисларини ўтказиш тартиби

4.1. Жамият кузатув кенгашининг мажлиси кузатув кенгашининг раиси томонидан унинг ўз ташаббусига кўра, жамият кузатув кенгаши, тафтиш комиссияси (тафтишчисининг), якка тартибдаги ижроия органи - директорининг, шунингдек жамият уставида белгиланган бошқа шахсларнинг талабига кўра чақирилади. Жамият кузатув кенгашининг мажлисини чақириш ва ўтказиш тартиби жамиятнинг уставида белгилаб қўйилади.

Жамият овоз берувчи акцияларининг хаммаси бўлиб камида бир фоизига эгалик қилувчи акциядорлар (акциядор), жамият кузатув кенгаши мажлисини чақиришга ҳақли.

4.2. Жамият кузатув кенгашининг мажлисини ўтказиш учун кворум жамият уставида белгиланади, бироқ у жамият кузатув кенгашига сайланган аъзоларнинг етмиш беш фоиздан кам бўлмаслиги керак.

4.3. Жамият кузатув кенгаши аъзоларининг сони жамият уставида назарда тутилган миқдорнинг етмиш беш фоиздан кам бўлган тақдирда, жамият кузатув кенгашининг янги таркибини сайлаш учун акциядорларнинг навбатдан ташқари умумий йиғилишини чақириши шарт. Кузатув кенгашининг қолган аъзолари акциядорларнинг бундай навбатдан ташқари умумий йиғилишини чақириш тўғрисида қарор қабул қилишга, шунингдек жамият якка тартибдаги ижроия органи - директорининг ваколатлари муддатидан илгари тугатилган тақдирда, унинг вазифасини вақтинча бажарувчини тайинлашга ҳақлидир.

4.4. Жамият кузатув кенгашининг мажлисида қарорлар мажлисда ҳозир бўлганларнинг кўпчилик овози билан қабул қилинади. Жамият кузатув кенгашининг мажлисида масалалар ҳал этилаётганда кузатув кенгашининг ҳар бир аъзоси битта овозга эга бўлади.

4.5. Жамият кузатув кенгашининг бир аъзоси ўз овозини кузатув кенгашининг бошқа аъзосига беришига йўл қўйилмайди.

4.6. Жамият кузатув кенгашининг мажлисида баённома юритилади. Кузатув кенгаши мажлисининг баённомаси мажлис ўтказилганидан сўнг ўн кундан кечиктирмай тузилади.

4.7. Мажлис баённомасида қуйидагилар кўрсатилади:

- мажлис ўтказилган сана, вақт ва жой;
- мажлисда ҳозир бўлган шахслар;
- мажлиснинг кун тартиби;
- овоз беришга қўйилган масалалар, улар юзасидан ўтказилган овоз бериш яқунлари;
- қабул қилинган қарорлар.

4.8. Жамият кузатув кенгаши мажлисининг баённомаси мажлисда иштирок этаётган жамият кузатув кенгаши аъзолари томонидан имзоланади, улар мажлис баённомаси тўғри

расмийлаштирилиши учун жавобгар бўлади.

4.9. Жамият кузатув кенгашининг қарорлари сиртдан овоз бериш йўли билан (сўров йўли билан) жамият кузатув кенгашининг барча аъзолари томонидан бир овоздан қабул қилиниши мумкин.

4.10. Жамият кузатув кенгаши мажлисининг баённомаси имзоланган куни жамиятнинг ижроия органига ижро этиш учун топширилади. Кузатув кенгаши акциядорларнинг умумий йиғилишини чақириш тўғрисида қарор қабул қилган тақдирда мазкур қарор ҳақидаги ахборот жамиятнинг яқка тартибдаги ижроия органи - директорига кузатув кенгашининг мажлиси ўтказиладиган куни топширилади.

4.11. Мажлисида кузатув кенгаши аъзолари видео ва аудио ускуналари орқали конференция алоқаси бўйича иштирок этиши мумкин, бунда уларнинг овозлари қарор қабул қилиш учун сиртдан берилган деб ҳисобланмайди.

V. Акциядорлик жамияти Кузатув кенгаши аъзоларининг ҳуқуқ ва мажбуриятлари

5.1. Кузатув кенгаш аъзоси:

- Кузатув кенгаш йиғилишда шахсан катнашиш, йиғилишда муҳокама қилинаётган масала юзасидан регламент билан ажратилган вақт доирасида сўзга чиқиш;
- ишларнинг шу кундаги ахволи тўғрисида, акциядорлик жамиятининг ишлаб чиқариш - хўжалик ва тижорат фаолиятининг бирор - бир давр ичидаги асосий натижалари ҳақида, уни ривожлантириш режалари тўғрисида барча тўлиқ ва ишончли ишлаб чиқариш ҳамда молия ахборотини олиш.

Акциядорлар умумий йиғилишининг қарорига кўра жамият кузатув кенгашининг аъзоларига улар ўз вазифаларини бажариб турган давр учун ҳақ тўланиши ва (ёки) кузатув кенгашининг аъзоси вазифаларини бажариш билан боғлиқ харажатларининг ўрни қопланиши мумкин. Бундай ҳақ ва тўловларнинг миқдорлари акциядорларнинг умумий йиғилиши қарорида белгиланади.

5.2. Кузатув кенгаш аъзоси битишувларни тузувчи томонлардан бири акциядорлик жамияти ҳисобланган битишувда молиявий манфаатдорликка эга бўлган ҳолларда, шунингдек, Кузатув кенгаш аъзоси билан акциядорлик жамияти манфаатлари бошқача тарзда зиддиятли ҳолларда, Кузатув кенгаш аъзоси ўз манфаатдорлиги тўғрисида Кузатув кенгашда битишув тузилгунга қадар хабар беришга мажбурдир, битишув тўғрисидаги қарор эса бундай манфаатдорликка эга бўлмаган Кузатув кенгашнинг кўпчилик аъзолари, ехуд Акциядорларнинг умумий йиғилишида кўпчилик акциядорлар томонидан қабул қилиниши керак. Бунда алар бундай битишув юзасидан муҳокамаларда ва қарорлар қабул қилишда катнашмайдилар.

5.3. Кузатув кенгаш аъзолари ёки билвосита Кузатув кенгаш томонидан у еки бу қарорларни қабул қилишга таъсир қурсатганлик учун ҳақ олиш ҳуқуқига эга эмаслар.

5.4. Кузатув кенгаш аъзолари акциядорлик жамияти имкониятлари (мулкӣ ва намунавий ҳуқуқлар, хўжалик фаолияти соҳасидаги имкониятлар, акциядорлик жамиятининг фаолияти ва режалар тўғрисидаги ахборот)дан шахсий бойлик орттириш мақсадида фойдаланиш ҳуқуқига эга эмаслар.

5.5. Кузатув кенгаш аъзолари ўзларининг лавозими мажбуриятларини ҳалол, шунингдек, акциядорлик жамияти манфаатлари йўлида улар энг яхши деб ҳисоблайдиган усул билан оширишга мажбурдирлар.

5.6. Кузатув кенгаши аъзоларига ҳар чоракда рағбатлантириш пули жамият бизнес ражасида белгиланган фаолият самарадолик йиғинди кўрсаткичини бажариш фоизига қараб тўланади. Рағбатлантириш миқдори Кузатув кенгаши раисига Ўзбекистон Республикасида белгиланган (амалда бўлган) базавий ҳисоблаш миқдорининг 20 (йигирма) баравари миқдорида ва Кузатув кенгаши аъзоларига Ўзбекистон Республикасида белгиланган (амалда бўлган) базавий ҳисоблаш миқдорининг 15 (ўн беш) баравари миқдори, бизнес-режа бўйича бажарилган фаолият самарадорлик йиғинди кўрсаткичи билан аниқланади. Агар самарадорлик йиғинди кўрсаткичи бажарилиш даражаси 60 фоиздан кам бўлган тақдирда рағбатлантириш пули кузатув кенгаши аъзоларига тўланмайди. Агар самарадорлик йиғинди кўрсаткичи бажарилиш даражаси 100 фоиздан кўп бўлган тақдирда рағбатлантириш пули 100 фоизда кузатув кенгаши раиси ва аъзоларига тўланади.

Кузатув кенгаши аъзоларига ва кузатув кенгаши котибига жамият корпоратив бошқарув тизимини мустақил баҳолаш натижаларига кўра куйидиги шартлар бажарилган тақдирда кўшимча

рағбатлантириш (мукофот) пули тўланади:

- агар бошқарув тизими коникарли баҳоланса - йилига бир марта Ўзбекистон Республикасида белгиланган (амалда бўлган) базовий ҳисоблаш миқдорининг 25 (йигирма беш) баробар миқдорида мукофот тўланади;

- агар бошқарув тизими юкори баҳоланса - йилига бир марта Ўзбекистон Республикасида белгиланган (амалда бўлган) базовий ҳисоблаш миқдорининг 50 (эллик) баробар миқдорида мукофот пули тўланади.

5.7. Жамият кузатув кенгаши котибига чорак давомида ўз вазифаларини бажариб турган давр учун базовий ҳисоблаш миқдорининг 10 баробар миқдорида ҳақ (рағбатлантириш) тўланади.

VI. Кузатув кенгаш аъзоларининг жавобгарлиги.

6.1. Жамият кузатув кенгашининг аъзолари ўз ҳуқуқларини амалга оширишда ва ўз мажбуриятларини бажаришда жамиятнинг манфаатларини кўзлаб иш тутиши ҳамда белгиланган тартибда жавобгар бўлиши лозим.

Агар ушбу модда қоидаларига мувофиқ бир нечта шахс жавобгар бўлса, уларнинг жамият олдидаги жавобгарлиги солидар жавобгарлик бўлади.

Жамиятга зарар етказилишига сабаб бўлган қарорга овоз беришда иштирок этмаган ёки ушбу қарорга қарши овоз берган жамият кузатув кенгаши аъзолари жавобгар бўлмайди.

6.2. Жамият ёки у жойлаштирган акцияларнинг хаммаси бўлиб камида бир фоизига эгалик қилувчи акциядор (акциядорлар) жамиятга етказилган зарарларнинг ўрнини қоплаш тўғрисидаги даъво билан жамиятнинг кузатув кенгаши аъзоси устидан судга мурожаат қилишга ҳақли.